



Tuzla, 08-06-2018
Broj: 02-4-63-7348/2018

Na osnovu člana 69. stav 2. tačka d), člana 70. Zakona o javnim nabavkama Bosne i Hercegovine („Službeni glasnik BiH” broj 39/14), člana 99. Statuta Javnog preduzeća Elektroprivreda BiH d.d. – Sarajevo (broj SD-5211/16-38/2. od 29.03.2016. godine) i člana 4. stav 6. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva (Prečišćeni tekst broj 06-6522/18 od 05.03.2018. godine), direktor Podružnice Termoelektrana „Tuzla“ Tuzla, donosi:

ODLUKU o poništenju postupka javne nabavke

Član 1.

Poništava se postupak javne nabavke u predmetu „Popravka i servis invertora na besprekidnom napajanju upravljačkog sistema bloka 6“, po Otvorenom postupku broj 2000021846 (broj sa Portala javnih nabavki 1405-1-2-18-3-79/18) u skladu sa članom 69. stav 2. tačka d) Zakona o javnim nabavkama BiH, jer nijedna od primljenih ponuda nije prihvatljiva.

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđačima koji su sudjelovali u predmetnom postupku nabavke, te Odluku objavi na internetskoj stranici JP Elektroprivreda BiH d.d. – Sarajevo (www.elektroprivreda.ba).

Član 3.

Ova Odluka stupa na snagu danom donošenja.

O b r a z l o ž e n j e

U Otvorenom postupku javne nabavke broj 2000021846 (broj sa Portala javnih nabavki 1405-1-2-18-3-79/18), predmet nabavke „Popravka i servis invertora na besprekidnom napajanju upravljačkog sistema bloka 6“, objavljenom na portalu javnih nabavki dana 13.03.2018. godine, za potrebe Podružnice Termoelektrana „Tuzla“ Tuzla, ponude su blagovremeno dostavili sljedeći ponuđači:

1. Energoinvest SUE d.d. Sarajevo
2. Albat d.o.o. Sarajevo

Komisija za javne nabavke imenovana Rješenjem direktora broj 02-4-63-2829/2018 od 07.03.2018. godine u periodu od 03.04.2018. godine do 11.04.2018. godine izvršila je otvaranje, pregled i evaluaciju pristiglih ponuda.

Pregledom ponude ponuđača „Albat,, d.o.o. Sarajevo utvrđuje se da isti nije dostavio *spisak izvršenih usluga na poslovima popravke i održavanja invertora minimalne vrijednosti 2.000,00 KM (bez PDV-a), u posljednje 3 (tri) godine uz minimalno 1(jednu) potvrdu koju daje druga ugovorna strana o njihovoj realizaciji*, prema zahtjevu tačke 6.7 stav a) Tenderskog dokumenta. Navod ponuđača u dostavljenoj Izjavi „da do momenta davanja ponuda nismo imali ugovore za popravak i održavanje invertora, pošto nismo imali potrebu za tim“ na strani 25/82 ponude, potvrđuje da isti nije obavljao predmetne poslove, pa samim tim njegova ponuda nije potpuna i ne ispunjava zahtjeve tenderskog dokumenta.

Daljim pregledom ponude ponuđača „Albat,, d.o.o. Sarajevo utvrđuje se da dostavljena Izjava o garanciji na obavljene radove i ugrađenu opremu, na strani 69/82 ponude, nije potpuna.

Tačkom 7.2 tenderskog dokumenta propisano je da su ponuđači obavezni dostaviti „Izjavu o garanciji na obavljene radove i ugrađene elemente od minimalno 12 mjeseci od datume isporuke opreme i završetka radova u TE „Tuzla“, Tuzla i na funkcionalnost sistema besprekidnog napajanja u skladu sa postojećim rješenjem besprekidnog napajanja“. U ocjeni prihvatljivosti dostavljene Izjave o garanciji utvrđuje se da davalac garancije/ponuđač nije dao garanciju na servis 2 modula, kao ni na ostale postojeće elemente sistema i na funkcionalnost sistema sa postojećim modulima i ostalim komponentama sistema“, pa je garancija djelomična i ista nije prihvatljiva prema zahtjevu tačke 7. stav 2. Tenderskog dokumenta.

Iz naprijed navedenih razloga, odbacuje se zahtjev za učešće ponuđača „Albat,, d.o.o. Sarajevo, prema odredbi člana 68. stav 4. tačka i) ZJN BIH, jer njegova ponuda nije potpuna i ne ispunjava zahtjeve tenderskog dokumenta.

Ponuda ponuđača „Energoinvest SUE“ d.d. Sarajevo ispunila je sve zahtjeve Tendera.

Na temelju kriterija odabira “najniža cijena”, donešena je Odluka o odabiru najpovoljnijeg ponuđača broj 02-4-63-4456/2018 od 13.04.2018. godine, kojom se ugovor dodjeljuje ponuđaču Energoinvest SUE d.d. Sarajevo sa ukupnom cijenom ponude u iznosu od 8.950,00 KM (bez PDV-a).

Nakon provedenog postupka javne nabavke, odbranom ponuđaču „Energoinvest SUE“ d.d. Sarajevo, aktom broj 02-4-63-4456/2018. od 13.04.2018. godine, dostavljen je Zapisnik o ocjeni ponuda i Odluka o odabiru najpovoljnijeg ponuđača broj 02-4-63-4456/2018 od 13.04.2018. godine, s napomenom da je isti u ostavljenom roku, obavezan dostaviti zahtijevanu dokumentaciju prema zahtjevu tačke 6.2.2. i 6.7. tenderskog dokumenta.

Dana, 18.04.2018. godine Ugovorni organ zaprimio je akt odabranog ponuđača „Energoinvest SUE“ d.d. Sarajevo broj AS-732/18 od 17.04.2018. godine u kojom, između ostalog, navodi da „*nakon obilaska lokacije i pregleda instaliranog sistema zbog tehničkih razloga nisu u mogućnosti izvršiti uslugu*“ po predmetnoj javnoj nabavci.

Uvažavajući okolnosti da odabrani ponuđač nije dostavio dokumentaciju zahtijevanu tačkom 6.2.2 i 6.7 Tendera, u ostavljenom roku, nisu se stekli uslovi za potpisivanje predmetnog ugovora o javnoj nabavci.

Budući da je u predmetnom postupku nabavke bila samo jedna prihvatljiva ponuda i to ponuda ponuđača „Energoinvest SUE“ d.d. Sarajevo, koji nije ispunio obaveze iz tačke 6.2.2 i 6.7 Tenderskog dokumenta, što ponudu navedenog ponuđača čini neprihvatljivim, to je ugovorni organ obavezan poništiti postupak javne nabavke prema odredbi člana 69. stav 2. d) Zakona o javnim nabavkama BiH.

Cijeneći navedeno, odlučeno je kao u članu 1. dispozitiva ove Odluke.

Pravna pouka:

Protiv ove Odluke može se podnijeti žalba ugovornom organu (JP Elektroprivreda BiH d.d. - Sarajevo, Podružnica Termoelektrana „Tuzla“, Tuzla) u roku od 10 (deset) dana od dana prijema ove Odluke.

CO:
- Ponuđačima
- 63
- a/a



Direktor
Izet Džananović
dr sc. Izet Džananović